

NTSHA MAIKUTLO A HAO

Komiti ya Potefolio ho tsa Basebetsi e mema batho ba nang le thahasello le ba amehang ho nehelana ka ditshwaelo tse ngotsweng ka dikarolo tse tharo tsa molao, ho ya ka maikemisetso a hlalositsweng ka fatshe:

BILI YA MOPUTSO O TLASE KA HO FETISISA WA NAHA [B 31 - 2017]

Ho etsa hore ho be le moputso o tlase ka ho fetisisa wa naha; ho theha Komishene ya Moputso o Tlase ka ho Fetisisa wa Naha; ho etsa hore ho be le popeho le mesebetsi ya Komishene ya Moputso o Tlase ka ho Fetisisa wa Naha; ho etsa hore ho be le tekolobotjha le ditokiso tsa selemo le selemo tsa moputso o tlase ka ho fetisisa wa naha; ho etsa hore ho be le dipehelo tsa phetoho mabapi le basebetsi ba mapolasing le basebetsi ba ka malapeng; le ho nehelana bakeng sa dintho tse amanang.

BILI YA PHETOLO YA MAEMO A MOTHEO A KHIRO [B 30 - 2017]

Ho fetola Molao wa Maemo a Motheo a Khiro, 1997, e le ho fetolela le ho kenya ditlhaloso tse itseng; ho etsa hore ho be le ditefo tsa moputso tsa letsatsi le letsatsi tse teng bakeng sa basebetsi ba itseng; ho hlakola dipehelo tse sebetsanang le diqeto tsa sekethara le Komishene ya Maemo a Khiro; ho atolosa tsamaiso ya molao wa Komishene ya Poelano le Bonamodi; ho atolosa dipehelo bakeng sa ho beha leihlo le ho kenngwa tshebetsong ha dipehelo tsa Molao wa Moputso o Tlase ka ho Fetisisa wa Naha, 2017, Molao wa Inshoreense ya Tlhokeho ya Mosebetsi le Molao wa Dikabelo tsa Inshoreense ya Tlhokeho ya mosebetsi; ho etsa hore ho be le ditseko bakeng sa ditefo tse tlase; ho etsa hore ho be le ditlhophiso tsa phetoho ho laola diqeto tsa sekethara tse sebetsang ha jwale le ho matlafatsa ditherisano tsa kopanelo mabapi le disekethara tse laolwang ke diqeto tseo tsa sekethara; le ho nehelana bakeng sa dintho tse amanang.

BILI YA PHETOLO YA DIKAMANO TSA BASEBETSI [B 32 - 2017]

Ho fetola Molao wa Dikamano tsa Basebetsi, 1995, e le ho fana ka dipehelo bakeng sa Letona pele Letona le tlameha ho atolosa tumellano ya kopanelo jwalo ka ha ho boletsweng ka hara Molao ona; ho etsa hore ho be le ntjhafatso le katoloso ya ditumellano tsa ditjhelete; ho etsa hore ho be le boipelaetso ba tumellano ya kopanelo kapa ka qeto ya Komishene ya Poelano le Bonamodi ho ya ka melao ya boipelaetso; ho etsa hore ho be le tlhopho ya tshebeletso e ka tlase ka ho fetisisa e tekenetsweng kapa eo ho dumellanweng ka yona: ho atolosa tlhaloso ya baloto ho kenyeletsa ho vouta hofe kapa hofe ho entsweng ke setho ho rekotilweng lekunutung; ho etsa hore ho be le bolokolohi ba morejisetara le motlatsi wa morejisetara; ho etsa hore ho be le ho hirwa ha phanele ya bonamodi; ho etsa hore ho be le phanele ya boeletsu ya bonamodi; ho etsa hore ho be le kahlolo ya boeletsu ya bonamodi le bakeng sa dintho tse amanang le kahlolo ya bonamodi; ho etsa hore

ho be le dipheho tsa phetoho; le ho nehelana bakeng sa dintho tse amanang.

Dipatlisiso, mmoho le diphehiso tse ngotsweng, di ka lebiswa ho **the Portfolio Committee on Labour (di tobiswe ho: Mr Zolani Sakasa)** , Parliament of RSA, P.O. Box 15, Cape Town, 8000 kapa di imeilelwe ho zsakasa@parliament.gov.za.

Ho tlatsellelseng ho diphehiso tse ngotsweng, ka kopo bontsha haeba o na le thahasello ya ho fana ka puo ya molomo ho Komiti.

Letsatsi la ho kwalwa bakeng sa diphehiso tse ngotsweng ke Labohlano, 16 Hlakubele 2018 ka 16:30.

Dikhopi tsa Bili ena di ka fumanwa ho **Mong Zolani Sakasa** nomorong ya mohala: **021 403 3735**, selefounu: **083 709 8488** kapa ho www.parliament.gov.za.

E ntshitswe ke: Mme FS Loliwe, MP, Modulasetulo wa Komiti ya Potefolio ho tsa Basebetsi.